

Paulo Nwoma A Eto So Mmienu A Ɔtwere Kɔmaa Korintofoɔ

Nkyea

¹ Krataa yi firi Paulo a Onyankopɔn ayi no se Kristo Yesu ɔsomafoɔ no ne Timoteo a ɔye yen nuanom no mu baako nkyen,

Mede saa krataa yi rekɔma Onyankopɔn asafa a ewɔ Korinto ne ahotefoɔ a wɔwɔ Akaiaman mu no nyinaa:

² Adom ne asomdwoee a efiri yen Agya Onyankopɔn ne Awurade Yesu Kristo nka mo.

Onyankopɔn Boa Yen

³ Momma yenna Onyankopɔn a ɔye yen Awurade Yesu Kristo Agya no a ɔye mmɔborɔhunu Agya na ɔye Onyankopɔn a awerekyekyerɛ nyinaa firi no no ase. ⁴ Ɔkyekyerɛ yen were wɔ yen amanee nyinaa mu na yenam awerekyekyerɛ a yen ankasa anya afiri Onyankopɔn nkyen no so atumi akyekyerɛ afoforo a wɔwɔ amanee ahodoɔ mu no were. ⁵ Sɛdeɛ yɛahunu amane wɔ Kristo mu no, saa ara nso na yɛnya Kristo awerekyekyerɛ a edɔso no. ⁶ Mo awerekyekyerɛ ne mo nkwagyee enti yɛhununu amane. Efiri se, se Kristo kyekye yen were a, yen nso yenam so betumi akyekye mo were. Eno

bema mo anya ntoboasee ahunu amane se yen nso. ⁷ Enti, gyidie a yewo wo mo mu no nhinhim. Yenim se, sedee mo ne yen hunu amane no, saa ara nso na awerekyekyerere a yenya no, monya bi.

⁸ Anuanom, yere se yetwe mo adwene ba ohaw a etoo yen wo Asia mantam mu no so. Amane a yefaa mu no so, na na emu ye duru enti yen asetena mu anidasoo nyinaa yeraee. ⁹ Nokorem yegye too mu se yerebewu. Saa asem yi siiie, sedee ebeye a yemfa yen ho nto yen ankasa so, na mmom, yede yen ho beto Onyankopon a oma awufoo sore no so. ¹⁰ Wayi yen afiri saa owuo amanehunu yi mu na obeko so agye yen. Ono na yede yen ani ato no so se, se moko so bo mpae ma yen a, ¹¹ obegye yen bio. Yei kyere se, obebua mpae dodo biara a mobo ma yen no, na Onyankopon behyira yen, na dodo no ara ama won nne so de ada no ase ama yen.

Paulo Sesa Ne Nhyehyee

¹² Yehoahoa yen ho se yen ahonim mmu yen fo, yeatena ase nokoredie mu, ne titire ne eberere a yewo mo nkyen no. Enye ewiase nyansa na ekyerere yen kwan. Mmom, yen akwankyerere firi Onyankopon adom no mu. ¹³ Nsem a mobetumi akenkan, ate ase nko na yetwewe de bre mo. Mewo anidasoo se, mobete biribiara a ¹⁴ monnte ase yie no ase daakye sedee ebeye a, da a Awurade Yesu beba no, mode yen behoahoa mo ho na yen nso yede mo ahoahoa yen ho.

¹⁵ Na menim se saa asem yi beba mu. Eno enti na mehyehyee se meba abesra mo na moanya nhyira mprenu. ¹⁶ Meyee m'adwene se,

se mereko Makedonia a, meba mo nkyen, na meresane nso a, mafa mo nkyen ansa na mako Yudea. ¹⁷ Modwene se mantumi ansi m'adwene pi wo dee ese se meye anaa? Anaase mete se obi a oka se "Aane" anaa "Dabi" sedefe ebese ofoforo ani?

¹⁸ Onyankopon ye onokwafoo. Enti se meka se yen mmuaee ye "Aane" eberere biara a, eye "Aane", ennye "Dabi" da a. ¹⁹ Efiri se, Yesu Kristo, Onyankopon Ba no a me Paulo, Silas ne Timoteo kaa ne ho asem kyerere mo no nsesa. Onnka "Aane" ne "Dabi" da. Eberere biara odi n'asem so. ²⁰ Ono mu na Onyankopon bohye nyinaa awie peye. Yei enti, yenam Yesu Kristo so ka "Amen" de hye Onyankopon animuonyam. ²¹ Afei, Onyankopon no ankasa na oma yene mo tumi gyina pintinn wo Kristo mu. Ono na osraa yen ²² faa yen se ne dee, enna ode ne Honhom Kronkron no hyee yen akoma mu de sii dee owo ma yen nyinaa so dua.

²³ Mefre Onyankopon se m'adansee. Onim m'akoma mu. Sedefe ebeye a mobenya kwan agye mo ahome enti na manko Korinto no. ²⁴ Enye yen adwene ne se yebehye mo ama mo agye biribi adi, na mmom, mo ahotu enti na yene mo ye adwuma. Efiri se, enam mo ankasa gyidie so na mobergyina pintinn.

2

¹ Enti, meyee m'adwene se meremma mo nkyen bio mmehye mo awereho. ² Se mebehye mo awereho a, hwan na obekyekere me were? Me ara a mahye mo awereho no anaa? ³ Saa

enti na metwerɛ saa krataa no brɛɛ mo. Na mempe sɛ meba mo nnipa korɔ no ara a mobɛgye m'ani no nkyɛn bɛhyɛ mo awerɛhoɔ. Menim yie sɛ, sɛ me ho tɔ me a, mo nso mo ho bɛtɔ mo. ⁴ Mede amanehunu, awerɛhoɔ ne nisuo na ɛretwerɛ mo saa krataa yi. Mantwerɛ mammehyɛ mo awerɛhoɔ na mmom, metwerɛ de bɛkyerɛɛ ɔɔɔ a medɔ mo nyinaa.

Bɔne Fakye

⁵ Sɛ obi ahyɛ afoforo awerɛhoɔ a, ɛnyɛ me na wahyɛ me saa awerɛhoɔ no, na mo anaase mo mu bi na wahyɛ no saa awerɛhoɔ no. Mempe sɛ me nsa yɛ den wɔ saa onipa no so. ⁶ Asotwe a dodoɔ no ara atwe no no dɔɔso ma no. ⁷ Ɛsɛ sɛ mode kye no na mokyekyere ne werɛ sɛdɛɛ ɛbɛyɛ a awerɛhoɔ renhyɛ ne so. ⁸ Mesrɛ mo, momma ɔnhunu sɛ mope n'asɛm pa ara.

Hwan Na Ɔyɛ Ma Saa Dwumadie Yi?

⁹ Dɛɛ enti a metwerɛ mo krataa no ne sɛ: Mepɛ sɛ mehunu sɛ moatumi agyina sɔhwɛ no ano pintinn na nsem a meka kyɛrɛ mo no nso, modi so anaa. ¹⁰ Sɛ obi yɛ bɔne bi na mode kye no a, me nso mede kye no. Sɛ ɛho hia sɛ mede kye na mede kye a, ɛsɛ sɛ mede biribiara kye. Na mo enti na meyɛ saa wɔ Kristo anim ¹¹ sɛdɛɛ ɛbɛyɛ a, ɔbonsam rennya yen ho ɛkwan, ɛfiri sɛ, yenim ne nsusuiɛ.

¹² Ɛberɛ a meduruu Troa kɔkaa Asempano, mehunu sɛ Awurade ama adwuma no yɛ ho ɛkwan wɔ ho. ¹³ Nanso, me werɛ hoeɛ, ɛfiri sɛ, na menhunu yen nua Tito. Enti, mekraa nnipa a wowɔ ho no na mesiim mekɔɔ Makedonia.

14 Yeda Onyankopon ase se daa oto yen santene wo anigyee ne nkonimdie wo Kristo mu ma yeyi hwa a eye hwam. Onyankopon nam yen so ma Kristo ho asem tre ko baabiara se aduhwam. 15 Yete se aduhwam a Kristo de ama Onyankopon a etre ko won a woregye won nkwa ne won a woreyera mu. 16 Na won a woreyera no dee, eye won hwa bone a etumi kum. Nanso, won a woregye won nkwa no, eye adee a eye hwam a ema won nkwa. Hwan na obetumi agyina adwuma a eye den sei anim? 17 Yente se nnipa afororo bi a wofa Onyankopon asem se adetondee bi, na esiane se Onyankopon asoma yen no enti, yeka nokore wo n'anim se Kristo asomfoo.

3

Mo Gyidie Boa Asenka No

1 Yei kyere se yerehoahoa yen ho bio anaa? Anaase yehia adansedie nkrataa a efiri yen nkyen anaa mo nkyen sedee afororo hia no anaa?

2 Mo ankasa moye krataa a ewo yen nkyen a wotwere wo yen akoma mu sedee ebeye a obiara behunu na wakan. 3 Mote se krataa a Kristo nam yen som so atwere. Enye twereduro na wode tweree no ebo epono so, na mmom Onyankopon a ote ase no Honhom na wode twere guu nnipa akoma mu.

4 Saa ahotoso yi na yenam Kristo so anya wo Onyankopon fam. 5 Biribiara nni yen mu a ebetumi ama yeasi yen bo aka se yebetumi aye saa adwuma yi. Ahoden a yewo no firi Onyankopon. 6 Ono na wama yen afata se

N'Apam Foforo ho asomfoɔ. Efiri Honhom Kronkron no na emfiri mmara a wɔatwere. Mmara de owuo ba na Honhom no deɛ ema nkwa.

Kristo Animuonyam Foforo

⁷ Mmara a ede owuo baɛ no, na wɔatwere no ebɔɔ epono so, nanso animuonyam a na ekura no enti nnipa no antumi anhwɛ Mose anim. Mose animuonyam hyereneɛ nanso saa animuonyam no dumiiɛ. ⁸ Enti, apam a Honhom no de ba no, erennya animuonyam mmorosoo anaa? ⁹ Sɛ mmara a ede owuo ba no wɔ animuonyam a, enneɛ deɛ ema yetene Onyankopɔn anim no rennya animuonyam a eboro so? ¹⁰ Nokorem, Apam Foforo no animuonyam mmorosoo enti, mmara a ede owuo ba no animuonyam ayera. ¹¹ Na sɛ na animuonyam wɔ biribi a enkyere mu a, animuonyam bɛn na ade a ete hɔ daa no rennya.

¹² Esiane sɛ yewɔ saa anidasoo yi enti, yewɔ akokoɔduru. ¹³ Yɛnte sɛ Mose a ɔde nkatanimu kataa n'anim sedee ebeye a Israelfoo no renhunu n'anim hyeren no pa a erepa na ayera no. ¹⁴ Nanso nteaseɛ a wɔn annya no enti ebɛsi enne yi, sɛ wɔkenkan Apam Dada nwoma no a, saa nkatanimu no da so kata wɔn adwene so. Ansa na nkatanimu no bɛfiri hɔ no, gye sɛ ɔgye Kristo di. ¹⁵ Ebɛsi enne, eberɛ biara a wɔbɛkenkan Mose mmara no, nkatanimu no da so kata wɔn adwene so. ¹⁶ Nanso sɛ obi gye Awurade di a, ne nkatanimu no, woyi firi hɔ. ¹⁷ Na Awurade ne Honhom no, na baabiara a Awurade Honhom wɔ no, ahoto wɔ hɔ. ¹⁸ Yɛn a nkatanimu biara nkata yɛn anim no, Awurade animuonyam hyeren yɛn

anim, na Awurade Honhom no sakra yen ko n'animuonyam mu.

4

Honhom Mu Agyapadee A Ewo Nkukuo Mu

¹ Onyankopon nam n'adom so de saa asem yi abre yen na eno enti, emma yen akoma ntu.

² Yeagyae kokoamsem ne aniwudeye nyinaa. Yennaadaa na yentwa Onyankopon asem no ho nkontompo. Yennaadaa obi mma onnye dee Atweresem no nkaee nni. Yeagyae saa aniwudee no nyinaa. Yegyina Onyankopon anim kasa enti yeka nokore ma won a wonim yen no nyinaa gye di. ³ Se Asempa a yeka no ye ahintasem a, eye ahintasem ma won a woreyera. ⁴ Wonnye nni, efiri se, obonsam asse won adwene. Otwe won firi hann a eto gu won so no ho; hann a efiri Asempa no mu a efa Kristo a ote se Onyankopon animuonyam no ho no. ⁵ Enye yen ankasa ho na yeka asem no fa. Yeka Yesu Kristo ho asem se ono ne Awurade no na yen nso Yesu enti, yeye mo asomfo. ⁶ Onyankopon a okaa se, "Hann mfiri esum mu nhyeren no" ono na wahyeren wo yen akoma mu, ama yeanya Onyankopon animuonyam ho nimdee wo Yesu Kristo mu.

⁷ Yete se nkukuo a wode agyapadee asie mu. Tumi ankasa no firi Onyankopon na emfiri yen.

⁸ Yetaa hunu amane, nanso wonnssee yen. Mpo se yennim dee ese se yeye a yempa aba. ⁹ Amanee mu, Onyankopon ka yen ho, na se wobo yen hwe fam a yesore bio. ¹⁰ Mmere nyinaa yen onipadua no soa Yesu wu a owuie no sedee ebeye

a n'abrabo beda adi wo yen mu. ¹¹ Yen asetena mu nyinaa, Yesu enti, yete ho ma owuo sedee ebeye a, n'abrabo beda adi wo yen onipadua a ewu no mu. ¹² Yei kyere se owuo di ne dwuma wo yen mu enna nkwa nso di ne dwuma wo mu.

¹³ Atweresem no ka se, "Mekasaee, efiri se, na megye di." Saa honhom mu gyidie no ara so na ema yen nso yekasa, efiri se, yegye di. ¹⁴ Yenim se Onyankopon a omaa Awurade Yesu sore firii awufo mu no bema yene Yesu asore na ode yen abeka mo ho wo n'anim. ¹⁵ Mo enti na yeinom beba mu; na sedee Onyankopon adom no reduru nnipa bebre nkyen no, saa ara nso na wobebɔ mpaee ada Onyankopon ase de ahye no animuonyam.

¹⁶ Esiane yei enti, yen bo ntu. Ewom se yen onipadua no reporo nkakrankakra dee, nanso yen honhom no dee, esesa ye foforo da biara da. ¹⁷ Na saa ohaw kakra a yefa mu no de animuonyam a enni awiee a eboro saa ohaw no so no bebre yen. ¹⁸ Yemfa yen adwene nko nneema a yehunu so, na mmom, nneema a yenhunu so na yede yen adwene ko. Dee wotumi hunu no ntena ho nkye, nanso dee yentumi nhunu no tena ho daa.

5

¹ Yenim se, se yewu na yegya saa onipadua yi a, yebanya onipadua foforo a Onyankopon ankasa aye a ebetena ho daa wo osoro ho. ² Seesei, yesi apinie pe se wode osoro animuonyam foforo no kata yen ho, ³ efiri se, se wode kata yen ho a,

yen ho renna ho bio. ⁴ Na se yewo saa honam yi mu a, yesi apinie na adesoɔ bi da yen so; enye se yemmpɛ se yegya onipadua no, na mmom, yɛpɛ se wɔde osoro atenaɛɛ foforo no kata yen ho sɛdɛɛ ebeyɛ a, nkwa bɛmɛne dɛɛ ewu no. ⁵ Onyankopɔn na wasiesie yen ama saa nsakraɛɛ yi. Na ɔde ne Honhom no maa yen se dɛɛ ɔwo ma yen no nyinaa akyigyina.

⁶ Yei enti, daa yewo akokoɔduru. Yenim se mmɛre dodoɔ a yewo saa onipadua yi mu no, ɛma yene Awurade fie kwan ware. ⁷ Efiri se, yen nkwa gyina gyidie so na ennyina dɛɛ yehunu so. ⁸ Yewo nkuranhyɛ enti, eyɛ yen pɛ se yɛbetu afiri yen fie wo saa honam yi mu na yene Awurade akɔtena ne fie. ⁹ Se yewo yen fie ha anaa nohoa no, yɛpɛ se yeso n'ani sene biribiara. ¹⁰ Efiri se, ɛsɛ se yen nyinaa ba Kristo anim ma ɔbu yen atɛn. Sɛdɛɛ obiara tenaa ase wo onipadua no abrafo mu no, se eyɛ papa anaa bone na wobɛgyina so abu no atɛn.

Yene Onyankopɔn Ayɔnkofa

¹¹ Efiri se yenim sɛdɛɛ yesuro Awurade enti, yɛka ne ho asempa kyere nnipa. Onyankopɔn nim yen yie na mewo anidasoɔ se monim me nso wo mo akoma mu. ¹² Yerensane nka yen ho asempa nkyere mo, na mmom, yerebo ho mmɔden sɛdɛɛ mode yen behoahoa mo ho na moatumi abua won a wɔde onipa anim hoahoa won ho na enye won su no. ¹³ Se yɛabobo adam a eyɛ yene Onyankopɔn ntam asem. Nanso se yen adwene mu da ho a, eyɛ ma mo yiedie. ¹⁴ Afei a yɛahunu se onipa baako na ɔwu maa nnipa

nyinaa wuu bi no enti, Kristo do a ode do yen no na ehye yen. Yei kyere se nnipa nyinaa wo ne wuo no mu kyefa bi. ¹⁵ Wu maa yen nyinaa, sedee ebeye a won a wote ase no rentena ase mma won ho bio na mmom, wobetena ase ama dee yen enti, owuie a womaa osore firii awufoo mu no.

¹⁶ Enti, ense se yegyina onipa adwene so bu obiara aten bio. Na se mpo ebere bi a atwam no na yegyina nnipa adwene so na yehunu Kristo a, afei dee, yerenye saa bio. ¹⁷ Se obi wo Kristo mu a, na oye abodee foforo, na nneema dada nyinaa atwam ama nneema foforo aba. ¹⁸ Onyankopon aye ne nyinaa. Osomaa Kristo se ommepata one yen ntam na ode one afoforo ntam mpata dwumadie no ahye yen nsa. ¹⁹ Asem a wode abre yen ne se, Onyankopon nam Kristo so afa nnipa nyinaa adamfo. Onyankopon ankan won bone antia won na ode n'asomdwoee asenka ho dwumadie no ahye yen nsa. ²⁰ Enti yeye asomafoo ma Kristo, na ete sedee Onyankopon nam yen so kasa kyere mo. Yesi Kristo anan mu sre mo se, momma womfa mo mmata Onyankopon ho. ²¹ Na Kristo nni bone, nanso yen enti, Onyankopon maa ofaa yen bone sedee ebeye a, yenam ono Kristo so beye teneneefoo wo Onyankopon anim.

6

¹ Anuanom a yene Onyankopon bom ye adwuma, yesre mo se, Onyankopon adom a mo nsa aka no, monnye no kwa. ² Onyankopon se, "Ebere a ese mu no, mehua wo,

na nkwagyeɛ da no, mɛboa wo.”

Montie! Donhwere yi mu na ɛsɛ sɛ monya Onyankopɔn adom, na ɛnnɛ ne nkwagyeɛ da no.

³ Yɛmmpɛ sɛ obiara bɛnya yɛn adwuma ho asem bɔne aka enti yɛmmpɛ sɛ yɛde suntidua to obiara kwan mu. ⁴ Biribiara a yɛbɛyɛ no, ɛsɛ sɛ yɛda yɛn ho adi sɛ Onyankopɔn nkoa na yɛde boasetɔ tumi gyina ɔhaw ne amanɛɛ nyinaa ano. ⁵ Wɔahwe yɛn, wɔde yɛn ato afiasɛ, ɛdɔm baa yɛn so, wɔama yɛayɛ adwuma a ɛboro yɛn so, yɛasi pɛ, akyene kɔm. ⁶ Nanso, yɛnam yɛn kronnye, osuahunu, boasetɔ ne ayamye so ada yɛn ho adi sɛ yɛyɛ Onyankopɔn asomfoo. Afei, yɛnam Honhom Kronkron no so, yɛn nokorɛ dɔ, ⁷ yɛn nokwasɛm a yɛka ne Onyankopɔn tumi so kyere sɛ yɛyɛ Onyankopɔn asomfoo. Teneneɛ ne yɛn akokyɛm a yɛde kɔ ɔtamfoo so na yɛde bɔ yɛn ho ban nso. ⁸ Sɛ wɔhoahoa yɛn o, sɛ wɔgu yɛn anim ase o, sɛ wɔya yɛn o, sɛ wɔkamfo yɛn o, yɛkɔ so ara som Onyankopɔn. Wɔbu yɛn sɛ atorofoo nanso yɛka nokorɛ. ⁹ Wɔyɛ wɔn ho sɛdeɛ wɔnnim yɛn nanso obiara nim yɛn. Yɛwuiɛ, sɛdeɛ mohunu no, nanso yɛte ase. Ɛwom sɛ wɔtwee yɛn aso nanso wɔankum yɛn. ¹⁰ Wɔmaa yɛn werɛ hoeɛ nanso yɛn ani gye daa. Yɛsɛ ahiafoo nanso yɛma nnipa bebree nya wɔn ho. Ase yɛn nsam nni hwee, nanso yɛwɔ biribiara.

¹¹ Me nnamfonom a mowɔ Korinto, yɛabue yɛn akoma mu aka nokorɛ akyerɛ mo. ¹² Yɛmfaa biribiara nsieɛ mo wɔ yɛn akoma mu na mo na mode nsem asie yɛn wɔ mo akoma mu. ¹³ Seesei, mekasa mekyerɛ mo sɛ me mma: sɛdeɛ yɛdwene

mo ho no, mo nso monnwene yen ho saa ara bi. Mommfa biribiara nsie yen. Mommue mo akoma mu!

Kokobɔ

¹⁴ Monnyaa mo ho mma abosonsomfoo, efiri se, moye no saa a, enye yie. Ebeye den na dee eye ne dee enye ahyia? Ebeye den na hann ne sum atena faako? ¹⁵ Ebeye den na Kristo ne obonsam adwene ahyia? Edeen na ogyidini ne dee onye ogyidini wo ye? ¹⁶ Ebeye den na Onyankopon asoredan ne obonsam ahoni aye nyehyee? Yeye Onyankopon a ote ase no asoredan sedefe Onyankopon no ankasa aka se, “Mede me nkurɔfo beye me fie na matena won mu; meye won Onyankopon na woye me nkurɔfo.”

¹⁷ Eno enti,

“Monko. Momfiri ho nko mommfa mo ho nka biribiara a eho ntee. Awurade na osee. Monte mo ho mfiri dee eho nte ho, na megye mo.”

¹⁸ Na,

“Meye mo Agya, na moye me mmammarima ne me mmammaa.”
Otumfoo Awurade na osee.

7

¹ Me nnamfo pa, woahe yen saa bo yi nyinaa. Enti, momma yente yen ho mfiri biribiara a egu honam anaa okra no ho fi ho na yentena ase Onyankopon mu mfa nte yen ho kronn.

² Mommue mo akoma mu mma yen. Yenye obiara bone. Yensisii obiara na yemmuu obiara kwasea nso. ³ Merenka saa asem yi mfa ngu mo anim ase. Sedeɛ madi ekan aka no, yedo mo enti, daa se yewu o, yete ase o, mowo yen akoma mu. ⁴ Megye mo di enti mede mo hoahoa me ho. Yen haw nyinaa mu no, mempaa aba. Mede ahosepe retu mmirika no.

⁵ Mpo yeduruu Makedonia no, yeanhome. Na ohaw wo ho baabiara. Na akasakasa wo won ntam. Afei, na ehu wo yen akoma mu. ⁶ Onyankopon a ohye won a wopa aba den no nam Tito ba a obaee no so hyee yen den. ⁷ Enye ne ba a obaee no nko, na mmom, ka a obekaa se mohyee no nkuran no. Okaa sedee mope se mohunu me no kyeree me. Okaa sedee modii yea ne sedee na moasiesie mo ho se mobebo me ho ban no enti seesei, ama m'ani agye sene kane no.

⁸ Se me krataa a metwerɛɛ mo no hyee mo awerehoɔ a, enye me ya se metwerɛɛɛ. Ahyeaseɛ no ehaa me nanso seesei deɛ enha me. Menim se krataa no mu nsem hoo mo were eberɛ tiawa bi. ⁹ Nanso, seesei deɛ, m'ani agye, enye se memaa mo were hoeɛ no enti, na mmom, se mo awerehoɔ no ama moasesa mo akwan. Onyankopon na omaa mo were hoeɛ enti yen deɛ, yeanha mo. ¹⁰ Awerehoɔ a Onyankopon de baa mo so no enti, moanya ahonuo bi a enam so de mo beko nkwayee mu; enti ense se eye mo ya. Nanso, awerehoɔ a ewiase de bre yen no deɛ, ede owuo na eba. ¹¹ Monhwe deɛ Onyankopon nam ho a omaa mo were hooɛ so aye. Mope se mofiri mo akoma mu kyere se monni fo. Mo bo afu. Mo

ho adwiri mo. Mo ho pere mo, pe se mohunu se atentenenee aye adwuma. Moakyerɛ se modi bem wɔ asem yi ho. ¹² Ewom se metwerɛɛ saa krataa no deɛ, nanso enye obi a ɔye bɔne anaa obi a wɔye no bɔne enti na metwerɛɛ. Metwerɛ bekyerɛɛ mo mu sɛdeɛ Onyankopɔn anim, mode mo ho nyinaa ama yen no. ¹³ Eno na ehye yen nkuran no.

Enye nkuranhye a ehyeɛ yen no nko. Tito nso nam gye a mogyee no maa n'ani gyeeɛ no so maa yen nso ani gyeeɛ. ¹⁴ Mede mo ahoahoa me ho akyerɛ no na moanni me hwammɔ. Daa yeƙa nokore kyere mo na hoa a mede mo hoahoa me ho kyere Tito no nso aba mu. ¹⁵ Enti, se ɔƙae sɛdeɛ mo nyinaa pɛɛ se moye ɔsetie ma no na mode obuɔ ne anidie gyee no fe so no a, ema ɔɔɔ a ɔɔɔ mo no mu den ara na ereye. ¹⁶ Eye me anigye se metumi de me ho nyinaa ato mo so.

8

Ayamyɛ

¹ Anuanom, yɛpɛ se mohunu deɛ Onyankopɔn adom aye wɔ Makedonia asɔre ahodoɔ mu. ² Wɔn ahokyerɛ mu wɔn anigyee boroo so, na wɔn hia mu mpo, woyii ayamyɛ keɛɛ kyereɛɛ. ³ Medi ho adanseɛ se wɔmaa deɛ wɔbetumi ma eboroo so mpo. Wɔn ara firii wɔn pe mu ⁴ srɛɛ yen se yemma wɔmfa sika no nkɔma Akristofoo a wɔwɔ Yudea no bi. ⁵ Wɔye maa eboroo so. Deɛ edi ekan no, wɔde wɔn ho maa Awurade. Afei, wɔfiri Onyankopɔn pe mu de wɔn ho maa yen nso. ⁶ Enti, yeƙa kyereɛ Tito a ɔhyeɛ adwuma yi

ase se, ontoa so na ommoa mo na moatumi awie saa odo adwuma yi. ⁷ Moye adefoo wo dee mowo nyinaa mu: okasa mu ne nimdee mu, mmoa a eye mo pe se moboa mu, ne odo a mode do yen mu. Enti, yeye se mode ahofama som wo odo mu.

⁸ Merenhyehye mmara mma mo. Na mmom, mepa se mede mo do a mowo no toto aforoo dee ho hwe se mo do no ye odo pa ara anaa. ⁹ Monim adom a na yen Awurade Yesu Kristo wo. Odefoo a na oye no nyinaa akyi, mo enti, oye ne ho ohiani sedee ebeye a onam ne hia no so bema mo aye adefoo.

¹⁰ M'adwene a mewo wo asem no ho nie: Afe ni, mo na modii ekan yee aye na mofiri mo pe mu na momaee. ¹¹ Monko so na monwie dwuma no di. Momma mo ho mpere mo se mobewie sedee mosusui se mobeye. ¹² Se wo ho pere wo se wobema a, Onyankopon nam dee wowo so begye, na enye dee wonni so.

¹³ Merennye nkurofo adeso a mmege mu so na mmom, esiane se mowo bebree saa ebere yi mu no enti, eye fe se moboa won a wonni bi no. ¹⁴ Na se eba se biribi ho hia mo na se wowo bi a, waboa mo. Yei ma mo nyinaa ye pe. ¹⁵ Sedee Atweresem no ka se, "Won a wonyaa pii no, ebi anka, enna won a wonyaa kakra bi no nso, esoo won."

¹⁶ Yeda Onyankopon ase se wama Tito mo ho anigye, sedee me nso m'ani gye mo ho no bi. ¹⁷ Enye se openee yen abisadee so nko, na mmom, ono ankasa firii ne pe mu pee se oboa enti na osii n'adwene pi se obeba mo nkyen no.

¹⁸ Yeresoma onua bi a wabu no wo asore ahodoo

no nyinaa mu wo asenka no ho no aka ne ho. ¹⁹ Eno akyi, asore ahodoɔ no ayi onua yi se one yen ntutu akwan wo mmere a yeredi do ho dwuma de ahye Awurade animuonyam yi no, na yemfa nkyere nso se yere se yebo. ²⁰ Yehwe yen ho so yie se asem biara remma kwan a yebefa so de saa akyede yi adi dwuma no ho. ²¹ Yen botae ne se, yebeye de eye wo Awurade ne nnipa anim.

²² Enti, yeresoma onipa foforo bi aka Tito ne osuani baako no ho. Yeeaso no akwan ahodoɔ bebree so ahwe na yeehunu se eye ne pe se oboa. Na seesei ne ho pere no se oboboa efiri se wanya mo mu ahotoso. ²³ Tito de, oye me oboafɔ a one me ye adwuma de boa mo na anuanom a wone no rekɔ no de, woye asore ahodoɔ ananmusifo a woye Kristo animuonyam. ²⁴ Momma wonhunu do a modo won sedee ebeye a, asafo no nyinaa behunu se hoa a yede mo hoahoa yen ho no ye nokore.

9

Mmoa A Wode Boa Onyankopɔn Nkurɔfo

¹ Eho nhia se metwere mo fa mmoa a ese se wɔboa Onyankopɔn nkurɔfo a wɔwo Yudea no ho. ² Menim se eye mo pe se moboa enti, mede mo ahoahoa me ho akyere nnipa a wɔwo Makedonia no. Mekaa se, "Anuanom a wɔwo Hela no siesiee won ho se wɔboboa afe a etwaam no mu." Mo ahokeka no akanyane won mu fa kesse no. ³ Afei, merema anuanom yi aba mo nkyen sedee ebeye a, hoa a yede mo hoahoa yen ho no nnye nsenkeka kwa. Na, sedee mekae

no, mobesiesie mo ho aboa. ⁴ Se anye saa na se nnipa no ne me firi Makedonia ba behunu se monsiesiee mo ho a, yen anim begu ase. Mo nso mo anim begu ase bi se modii yen hwammɔ. ⁵ Enti, medwene ho hunuu se, eye se anuanom bi di m'anim ekan na wɔkɔpe akyedee a mohyee me ho bɔ no gu hɔ. Eba saa a, eberɛ a meduru hɔ no na ewɔ hɔ na adi adanseɛ se mo na momaɛɛ efiri se, na mope se moma enti, na mmom, na enye se ese se moma.

⁶ Monkae saa asem yi: Onipa a ɔgu aba kakra bi no, betwa so kakraa bi, na dee ɔgu aba bebree no, betwa so bebree. ⁷ Mo mu biara mma sedee wadwene ho no, a enye se yea anaa ɔhye mu, efiri se, Onyankopɔn pe obi a ɔde anigyee ma akyedee no asem. ⁸ Na Onyankopɔn betumi ama wo aboro dee eho hia wo no so, enti daa na wowɔ dee eho hia wo, na wobɛnya bi nso adi dwuma foforo a efata se wodi. ⁹ Atweresem no ka se, "Ɔfiri n'akoma mu ma ahiafoo dee wɔhia; n'adɔee no tena hɔ daa."

¹⁰ Na Onyankopɔn a ɔma ogufoo no aba ne burodo se aduane die no bema wo nso aba a ehia wo nyinaa na wahwe so ama anyini na w'adɔee no enti, aso bebree. ¹¹ Daa ɔbehwe ma woanya wo ho na woaye adɔee, na enam so ama dodoo no ara ada Onyankopɔn ase wɔ akyedee a yɛnya firi mo nkyen no ho.

¹² Saa adɔee a moye yi, monnye mma Onyankopɔn nkurofoo nko, na mmom, enam so ma nnipa bebree da Onyankopɔn ase. ¹³ Esiane dwuma a moadi de adi mo ho adanseɛ pa no enti, nnipa gyina nokore a moadi wɔ Kristo asenka no

ne mo adɔɛɛ a moye maa obiara no so beka mfo Onyankopɔn. ¹⁴ Enti, wɔde ɔɔɔ bebo mpaɛɛ ama mo, ɛfiri sɛ, Onyankopɔn ama mo adom a ɛboro so. ¹⁵ Yɛda Onyankopɔn ase wɔ n'akyɛdɛɛ a enni kabea no ho.

10

Paulo Yi Ne Ho Ano

¹ Me, Paulo a sɛ mewɔ mo nkyɛn a meye mmere na sɛ menni mo nkyɛn nso a me koko ye duru ma mo no, me na metu saa fo yi. Mesɛ me Kristo a ɔye ɔyamyefoɔ no din mu sɛ: ² Sɛ meba ho a, monnyɛ me mma menkasakasa mo anim. Menim yie sɛ me bo betumi aye duru wɔ nnipa a wɔka sɛ ewiase adwene na yede di dwuma no no so. ³ Ɛye nokore sɛ, yete ewiase, nanso yennyina wiasesɛm so wɔ yen ko mu. ⁴ Akodeɛ a yede ko no mfiri ewiase. Ɛye Onyankopɔn akodeɛ a ano ye den a yebetumi de aseɛ atamfoɔ mpampim a wɔabobo. Yesɛɛ akyinnyehunu. ⁵ Yesɛɛ akwansideɛ biara a etia Onyankopɔn ho nimdeɛ no. Yeto adwene biara nnareka ma wɔtie Kristo. ⁶ Sɛ mo setie wie pɛye na obi sane ye asoɔden ekwan biara so a, yebetwe n'aso.

⁷ Sedɛɛ nneɛma te no ara na mohunu. Obi wɔ ho a ɔkari ne ho ka sɛ, ɔye Kristo dea? Onii no nkari ne ho bio nhwe ɛfiri sɛ, yen nso yeye Kristo dea sedɛɛ ɔno nso ye ne dea no. ⁸ Ɛnye me aniwu sɛ aba sɛ mede tumi a Awurade de ama me sɛ memfa nhwe mo na monnyini no behoahoa me ho. ⁹ Mempa sɛ modwene sɛ mede me nkrataa a matwerɛ mo no rehunahuna mo. ¹⁰ Obi beka sɛ, "Paulo nkrataa mu nsem no ye ya nanso sɛ ɔba

yen nkyen nso a, ɔye bɔkɔɔ na ne nsem nso nka hwee!” ¹¹ Eɛe se saa onipa no te ne ho ase se, nsonsonoeɛ biara nna nsem a ewɔ yen nkrataa a yetwerɛɛ eberɛ a yenni mo nkyen no, ne deɛ se yewɔ mo nkyen a, yeyɛ no mu.

¹² Eyɛ nokore, yɛrentumi mfa yen ho ntoto wɔn a wɔfa wɔn ho se wɔn asetena korɔn no ho. Saa nnipa no ye nkwaseafoɔ! Wɔnam wɔn ho a wɔde wɔn ho toto wɔn ho wɔn ho no so bu wɔn ho atɛn. ¹³ Yen deɛ, yen ahohoahoa no nntɔ beaɛ bi. Yen ahohoahoa no nntɔ dwuma a Onyankopɔn atu yen se yenye a mo mu adwumaye ka ho no. ¹⁴ Esiane se mowɔ saa tebea no mu enti, yɛbaa mo nkyen bekaa Asempa a efa Kristo ho no a yɛantra. ¹⁵ Yei enti yemmfa adwuma a nkurɔfoɔ aye nhoahoa yen ho te se yen ara na yeyɛɛ. Deɛ yerepɛ ne se mo gyidie ase betim na enam so ama yeatumi aye mo mu adwuma a yɛntra beaɛ a Onyankopɔn ahyɛ no. ¹⁶ Na yɛnam so atumi aka Asempa wɔ aman foforoɔ so a yɛremfa adwuma a ɔfoforoɔ aye no nhoahoa yen ho. ¹⁷ Atwerɛsem no ka se, “Obiara a ɔpɛ se ɔhoahoa ne ho no nhoahoa no wɔ adeɛ a Awurade aye mu.” ¹⁸ Efiri se, enye ka a onipa beka ne ho asem pa no na ema Onyankopɔn gye no to mu, na mmom onipa a Onyankopɔn no ara beka ne ho asem pa no na ɔgye no to mu.

11

Paulo Ne Atoro Asomafɔ

¹ Mewɔ anidasoɔ se, se meye nkwaseadeɛ koraa a, mɔɛgye me. Mɛpa mo kyew, monye saa. ² Metwe mo ho ninkunu, sɛdeɛ Onyankopɔn

twe mo ho ninkunu no. Mote se ɔbaabunu a mahye no awadee ho bo ama ɔbarima baako pe bi a ɔno ne Kristo. ³ Mesuro se wobesee mo adwene na mo a mode mo ho nyinaa ama Kristo no, mɔɛgyae sedee ɔwo no nam anifire so daadaa Hawa no. ⁴ Mode anigyee gye obiara a ɔba mo nkyen beka Yesu foforo a ɔnnye dee yeka ne ho asem kyere mo no di; mogye honhom bi ne asem pa bi a nsonsooe da eno ne Honhom ne Asempa a yeka kyere mo no ntam no di.

⁵ Mennye nni se meye “Asomafoɔ” no mu abomfiaa. ⁶ Ebia m’ano ntee dee, nanso m’adwene mu abue. Ekwan biara so, yeama mo ate saa asem yi ase. ⁷ Mebekaa Onyankopɔn Asempa no kyeree mo no, mannye mo hwee. Mebreɛ me ho ase sedee ebema mo akron. Bone a meyeɛɛ ne se meyeɛ saa? ⁸ Eberɛ a na mereye mo mu adwuma no, asafo afoforo bi na na wɔtua me ka. ⁹ Eberɛ a na mewɔ mo nkyen no, se sika ho hia me a, na menha mo. Na anuanom a wɔte Makedonia no de biribiara a eho hia me bre me. Sedee na ete mmerɛ a atwam no, saa ara nso na daakye ebeye. Merenye adeso a mma mo da. ¹⁰ Kristo nokoredie a ahye me ma enti, mehye mo bo se obiara rentumi nka m’ahohoahoa yi nhye wo Helaman mu da. ¹¹ Adɛn enti na meka saa? Efiri se, menno mo anaa? Onyankopɔn nim se medo mo.

¹² Mekɔ so madi dwuma a meredi no seesei yi sedee ebeye a, saa “asomafoɔ” no rennya kwan nhoahoa won ho se dwuma a wodi no te se yen dwuma a yedi no pe. ¹³ Saa nnipa no nye nokore asomafoɔ. Woye atorɔ asomafoɔ a wonam twa atorɔ wo won adwuma ho ma nnipa hunu won se

wɔye Kristo asomfoɔ. ¹⁴ Enye me nwanwa, efiri se, obonsam koraa tumi sesa ne ho ma odane ye se hann. ¹⁵ Enti enye nwanwa se n'asomfoɔ tumi sesa won ho de daadaa nnipa se wɔye papa. Awiee no, wobɛnya won nneyee so akatua pɛpɛpɛ.

Paulo Hoahoa Ne Ho

¹⁶ Meti mu ka bio se: Ense se obiara susu se meye okwasea. Se mosusu saa a, enne monnye me sedee mɔɛgye okwasea na menam so matumi mahoahoa me ho. ¹⁷ Asem a meraka yi nye de Awurade pɛ se meka. Meka ahohoahoa ho asem a, na mekasa se okwasea. ¹⁸ Nanso, esiane se nnipa bebree hoahoa won ho nipasu mu enti, me nso meye saa. ¹⁹ Mo ankasa mo ani ate enti mode anigye gye nkwaseafoɔ. ²⁰ Mogye obi a ohye mo so anaa deɛ onya mo ho biribi anaa deɛ osum mo afidie anaa deɛ ommu mo anaa deɛ obɔ mo ani so. ²¹ Mefere se megye yei ato mu, nanso yen ahoɔmmere na ema yeyee saa.

Se obi tumi de biribi hoahoa ne ho a, merakasa se okwasea, e nso metumi ahohoahoa me ho wo dekodee no ho bi. ²² Wɔye Hebrifoɔ anaa? Me nso meye bi. Wɔye Israelfoɔ anaa? Me nso meye bi. Wɔye Abraham asefoɔ anaa? Me nso meye bi. ²³ Wɔye Kristo asomfoɔ anaa? Merakasa se obɔdamfoɔ. Nanso, meye osomfoɔ pa sene won. Maye adwuma a eye den sene won; mada afiase mpen bebree; wɔabo me mmaa bebree na metaa meben owuo nso. ²⁴ Yudafoɔ boɔ me mmaa aduasa nkron ahodoɔ enum. ²⁵ Romafoɔ boɔ me mmaa mprensa na wɔsii me aboɔ penkorɔ. Metenaa ahyen mu maa

εβοεε mprensa. Medii nsuo ase nnonhwere aduonu enan pen. ²⁶ M'akwantuo ahodoɔ mu, mehyiaa nsuyire ne akwanmukafoɔ. Mehunuu amane wɔ Yudafoɔ ne amanamanmufoɔ nsam. Mehunuu nkuro so amane. Mehunuu wiram amane. Mehunuu epo so amane ne nnamfoɔ a wɔnka nokore nsam amane. ²⁷ Maye adwuma a eye den na ɔbre wɔ mu. Mpen pii, menna. Ekɔm ne sukɔm dee me. Mpen pii, mennya aduane a εbeso me nni. Mennya baabi nna anaa atadeε nhye. ²⁸ Eberε biara na mema asafo ahodoɔ no ho nsem ye me asenhia. ²⁹ Se obi ye mmerε a εma me nso meye mmerε. Se obi ka ɔfoforo kɔ bɔne mu a, εma me werε ho.

³⁰ Se mehoahoa me ho a, na ese se mehoahoa me ho wɔ nneema a ekyerε me mmerεye no mu. ³¹ Awurade Yesu no, Onyankopɔn ne Agya no a ese se yekamfo no no nim se merentwa nkontompo. ³² Eberε a mewɔ Damasko no, Amrado a na ɔhye ɔhene Areta ase no maa awεmfoɔ weneε kuro no εpono pεε se wɔkyere me. ³³ Nanso, wɔde me sii kentɛn mu twetwee me faa ɔfasuo bi a apae tokuro mu de me sii fam maa medwane firii ne nsam.

12

Paulo Anisoadehunu

¹ Ewom se ahohoahoa ho nni mfasoɔ biara deε, nanso ese se mehoahoa me ho. Nanso, afei meka anisoadehunu ne adiyisem a Awurade ada no adi akyerε me no. ² Menim Okristoni bi a mfee dunan nie, biribi hwimm no de no kɔɔ ɔsoro. Mennim se saa asem yi sii ampa ara

anaase eye anisoadehunu. Onyankopɔn nko ara na ɔnim. ³ Meti mu bio. Menim se wɔhwimm saa ɔbarima yi kɔɔ Paradise. Bio mennim se saa asem yi sii ampa ara anaase eye anisoadehunu. Onyankopɔn nko ara na ɔnim. ⁴ Na eho na ɔtee nneema bi a wɔde ka nsem a enye yie, nneema a onipa anofafa ntumi nka. ⁵ Enti, mede saa onipa yi behoahoa me ho na meremfa me ara me ho nhoahoa me ho gye se nneema a eda me adi se meye mmerɛ no ho. ⁶ Se mehoahoa me ho mpo a, anka merenye ɔkwasea, efiri se, nokore ara na meka. Nanso, merenhoahoa me ho, efiri se, mɛmpe se obiara bu me otitire sene sedee wahunu na wate afiri me nkyɛn no. ⁷ Sedee ebeye a enam saa adiyisem nwanwaso yi enti meremma me ho so no, wɔsoma ɔbonsam ɔɔfoɔ ma ɔde honam mu yea a emu ye den brɛɛ me de brɛɛ me ase. ⁸ Mɛbɔɔ yei ho mpaɛɛ mprensa kyerɛ Awurade na mesrɛɛ no se ɔmma emfiri me so nko. ⁹ Ne mmuaɛɛ a ɔmaa me ne se, “M’adom nko ara na eho hia wo, na eberɛ a woaye mmerɛ no na me tumi mu ye den pa ara.” Enti, eye me anigye pa ara se mede me mmerɛye hoahoa me ho, sedee ebeye a mɛte Kristo banɔ tumi a ebɔ me ho ban no nka. ¹⁰ Esiane Kristo enti, mepene mmerɛye, ɔyea, amanehunu, ɔtaa ne akwansideɛ so. Efiri se, me mmerɛye mu no na meye den.

¹¹ Meye me ho se ɔkwasea, nanso mo na moama maye saa. Mo na anka ese se mogye me tom. Na se menye hwee a, ekwan biara so no, mɛnnye se abomfiaa wɔ mo anim nsene “Asomafoɔ” a mobu wɔn no. ¹² Mede boasetɔ

dii dwuma wɔ mo mu de kyereɛ sɛ meye ɔsomafoɔ. ¹³ Dwumadie no bi ye nsenkyerenneɛ ne anwanwadeɛ. Adɛn enti na moye asɔre a aka no mu abomfiaa, efiri sɛ, mammisa mo mmoa bi nti? Mesre mo momfa saa mfomsoɔ no nkye me.

¹⁴ Yei ne ne mprensɛ so a masiesie me ho pɛ sɛ mebesra mo. Na meba nso a, meremmisa mo biribiara. Mo na merehwewɛ mo. ¹⁵ Ebeye me anigye sɛ mo enti, mɛhwere deɛ mewɔ ne m'adagyee de aboa mo. Esiane sɛ medɔ mo yie no enti, mo dɔ a modɔ me no so bɛte anaa? ¹⁶ Mobeɛte aseɛ sɛ na mennyɛ adesoa mma mo. Nanso, obi bɛka sɛ, meye ɔdaadaafoɔ a mede nnaadaa yii mo. ¹⁷ Ekwan bɛn so? Menam abɔfoɔ a mesomaa wɔn mo nkyɛn no so sisii mo anaa? ¹⁸ Mesomaa Tito sɛ ɔnkɔ, ɛnna mesomaa onua baako kaa ne ho. Mokyere sɛ Tito sisii mo anaa? Ɔno ne me nyinaa kura adwene korɔ nni dwuma korɔ?

¹⁹ Ebia, modwene sɛ pɛ ara na yepe sɛ yɛka biribi de tete yen ho wɔ mo anim. Dabi! Yekasa sɛdeɛ Kristo pɛ sɛ yɛka wɔ Onyankopɔn anim. Na biribiara a yepe no nso, me nnamfo pa, yepe de boa mo. ²⁰ Mesuro sɛ, sɛ meduru ho a, sɛdeɛ anka mɛpe sɛ mehunu mo no, merenhunu mo saa. Saa ara nso na sɛdeɛ anka mope sɛ mohunu me no, morenhunu me saa. Menim sɛ meba abɛto akasakasa ne aniberee, abufuo ne pɛsɛmenkomenya, ɔyea ne nsekuro, ahantan ne basabasaye no. ²¹ Mesuro sɛ da a meba bio no, Onyankopɔn beɛgu m'anim ase wɔ mo anim na mesu ama wɔn a wɔaye bɔne dada na wɔnnuu wɔn ho wɔ wɔn akɔnnɔ ne adwammɔ ho no.

13

Kokobɔ A Etwa Toɔ

¹ Nsra a eto so mmiensa a merebesra mo ni. Atweresem no ka se, “Adanseɛ a nnipa baanu anaa baasa bedi no na ese se wofa.”

² Eberɛ a mebaa mo nkyen deɛ eto so mmienu no, mebɔɔ mo kokɔ bi. Mereti mu bio seesei a menni mo nkyen yi. Se mesane ba bio a, mo anaa nnipa afoforo bi a wɔaye bone no, meremfa wɔn ho nkye wɔn, ³ efiri se, mope se mohunu nsenkyerenneɛ bi se Kristo nam me so kasa. Ɔnnye mmere se ɔbeyɛ mo mu adwuma, na mmom, ɔwɔ tumi wɔ mo mu. ⁴ Ewom se mmereye mu na wɔbɔɔ no asennua mu, nanso Onyankopɔn tumi mu na ɔte ase yi. Yeye mmere deɛ, nanso yen ayɔnkofa a yene no wɔ enti, yene no betena wɔ Onyankopɔn tumi mu.

⁵ Monsɔ mo ho nhwe na mommu mo ho aten nhwe se mote ase wɔ gyidie mu anaa. Monim yie se Kristo Yesu te mo mu anaa? Se ɔnte mo mu a, na ekyerɛ se moantumi sɔhwɛ no. ⁶ Menim yie se mobɛhunu se yeanni nkoguo. ⁷ Afei, yebɔ mpaɛɛ sre Onyankopɔn se morennye biribiara a ennye. Yemmpɛ se nnipa behunu se yewɔ tumi bi wɔ mo so. Se mpo se wɔhunu yen se yese nnipa a yeadi nkoguo wɔ yen adwuma mu a, yepɛ, efiri se, yepɛ se mobeyɛ deɛ eye de adi nkonim. ⁸ Yerentumi nsɔre ntia nokore, na mmom, nokore nko ara na ese se yegyina ma no. ⁹ Se yehunu se yeye mmere na moyɛ den a, na yen ani agye. Enti, yen nso yerebɔ mpaɛɛ se mobeyɛ pɛ. ¹⁰ Eno enti na meretwerɛ saa krataa yi abre mo sedee ebeyɛ a, se meba a, merennyina tumi a Awurade de ama

me sɛ memfa mmoa mo na monnyini na mo mu antete no so, na me ne mo anni no anibereɛ so.

¹¹ Enti, anuanom, makra mo! Mompere nhwehwɛ ade pa; montie m'afotuo; mo ne mo ho mo ho nka na montena ase asomdwoeɛ mu. Na ɔɔ ne asomdwoeɛ Onyankopɔn no ne mo bɛtena.

¹² Momfa onuado nkyeakyea mo ho mo ho.

¹³ Onyankopɔn nkurofoɔ nyinaa kyeakyea mo.

¹⁴ Yɛn Awurade Yesu Kristo adom ne Onyankopɔn do ne Honhom Kronkron no ayɔnkofa nka mo nyinaa.

**Biblica® Wɔnhia ɛho kwamma nwoma
Asante Twi Nkwa Asem™
The Holy Bible in the Asante Twi language of Ghana:
Biblica® Wɔnhia ɛho kwamma nwoma Asante Twi
Nkwa Asem™**

copyright © 2020 Biblica, Inc.

Language: Twi

Dialect: Asante

Contributor: Biblica, Inc.

Adwuma yi, Creative Commons Attribution-ShareAlike 4.0 International License (CC BY-SA) na wode bae. Wope se wokenkan kwamma nwoma yi sɛso bi a, kɔhwɛ <http://creativecommons.org/licenses/by-sa/4.0> anaase twere krataa kɔma Creative Commons, P. O. Box 1866, Mountain View, CA 94042, USA.

Biblica® ye ahyensodee a Biblica Inc. akɔgye, na wope se wode Biblica® ahyensodee yi di dwuma a, gye se Biblica Inc. twere ho kwamma nwoma ma wo. CC BY-SA kwamma nwoma nhyehyɛɛ mu no, wobetumi ayɛ adwuma yi sɛso de akɔ mmeaɛɛ ahodoɔ wɔ ɛberɛ a wonsesa Biblica® ahyensodee no. Se woye nsakraeɛ anaase wokyerɛ saa adwuma yi ase kɔ kasa foforo bi mu efa so nya adwuma foforo firi yei mu a, ɛse se woyi Biblica® ahyensodee no firi ho. Nyafirimu adwuma no so no, ɛse se wotwere nsakraeɛ a woaye no ne dee edidi soɔ yi nso ka ho: “Biblica Inc. adwuma kann no wɔ www.biblica.com ɛna open.bible a wonhia ɛho kwamma nwoma biara.”

Ɛse se wotwere Owuraye Tumi no wɔ baabi a nwoma no edin wɔ anaa kratafa a yetwere adwuma Owuraye Tumi gu no sɛdee edidi soɔ yi:

Biblica® Wɔnhia ɛho kwamma nwoma Asante Twi Nkwa Asem™

Owuraye Tumi © 1996, 2020. Biblica, Inc. na wode ma.

Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” ye ahyensodee a Biblica Inc. akɔgye afiri United States Patent and Trademark Office de hyɛ won nneema ahodoɔ nso. Gye se Biblica Inc. ma wo ho ekwan ansa na woatumi de adi dwuma.

“Biblica” is a trademark registered in the United States Patent and Trademark Office by Biblica, Inc. Used with permission.

Ɛse se wode saa kwamma nwoma (CC BY-SA) yi ara na ɛto wo nyafirimu adwuma no soɔ.

Adwuma yi a woakyere aseɛ ako kasa foroɔ mu yi, sɛ wopɛ sɛ wobɔ Biblica, Inc. amannee a, yesre wo, ene yen nni nkitaho wo <https://open.bible/contact-us>.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: "The original work by Biblica, Inc. is available for free at www.biblica.com and open.bible."

Notice of copyright must appear on the title or copyright page of the work as follows:

Biblica® Wɔnhia eho kwamma nwoma Asante Twi Nkwa Asɛm™

Owuraye Tumi © 1996, 2020. Biblica, Inc. na wode ma.

Biblica® Open Asante Twi Contemporary Bible™

Copyright © 1996, 2020 by Biblica, Inc.

"Biblica" ye ahyensodeɛ a Biblica Inc. akogyɛ afiri United States Patent and Trademark Office de hyɛ wɔn nneɛma ahodoɔ nso. Gye sɛ Biblica Inc. ma wo ho ekwan ansa na woatumi de adi dwuma.

"Biblica" is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not

necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-18

PDF generated using Haiola and XeLaTeX on 22 Feb 2024 from source files dated 19 Apr 2023

4d908a5f-6fc6-5f10-9298-e0ab905f607f